

陳鐵凡教授紀念集

癸酉六月王之松署

〔非賣品〕

陳鐵凡教授紀念集

督印人 陳鐵平

出版者 江蘇寶應陳氏三近堂

一九九三年八月特煩台北萬盛出版公司印行貳佰本

201841

2

上編

陳鐵凡教授紀念集

目錄

陳鐵凡先生遺容

手蹟遺墨剪影

學術暨生活照選輯

（上編）

僑美邑人陳君鐵凡傳（附年表）

與祖國、故土同在

追憶陳鐵凡先生二三事

郁念純

一

芮和師

三八

傅吾康

四〇

老鐵這不平凡的一生

陳廣業 四四

悼念一位值得尊敬的讀書人

成樹榮 四七

敬悼陳鐵凡學長

袁德誠 五〇

附錄一：陳鐵凡教授《非餘吟草》及其它

五三

附錄二：陳鐵凡教授著作目錄（部分）

六三

（下編）

來生再續兄弟緣

陳鐵平 六九

追念父親——一位堅持原則、始終不懈的長者

陳蒙 八〇

平實而不平凡的爸爸

陳謚 八二

永別慈父

陳明 八四

敬悼大伯

陳年 八六

點點滴滴哭大伯

陳處寧 八九

典型在夙昔

陳蓉蓉 九二

永恆的榜樣與追思

劉際遠 九五

回憶我們的大舅

劉世芬 一〇〇

永懷「大哥」陳鐵凡教授

王蔭福 一〇三

「立言」不朽——敬悼鐵凡大表哥

沈賢荃 一一〇

「自學成材」的大表叔

萬儀仁 一一二

永懷姐丈

王之槐 一一五

向一位「與時間賽跑」的儒者致敬

劉俊 一一七

至親摯友輓詩輓聯

王蔭福等 一二一

編後雜感：萬里驚濤一葉船

葉洪生 一二八

附錄三：Father as I know him

一三〇

附錄四：「Father」

一三二

附錄五：Remembering My Father

一三四

附錄六：Reminiscences of Chen Tieh - Fan

一三六

附錄七：陳鐵凡教授生前捐贈加拿大維多利亞大學書目一覽

一四一

僑美邑人陳君鐵凡傳

郁念純

陳君鐵凡，名會古，字萃仙，中年易今名。江蘇省寶應縣人。昆仲二人，君居長。祖考子瞻公，諱仰承，邑庠生。早歲教讀。中年任邑惠濟倉董事，賙濟飢寒，鄉里銜德。考研直公，諱務蠡，諸生。早歲任奉天省某校教習。中年游宦山東，候補經年，未獲一缺，家緣以耗。

君幼承庭訓，學詩學禮。後入縣立第一高小。寶應縣中創立，入學肄業。某日，國文教師缺席，校長劉野君先生代課，舉「采」「採」二字以釋古今之變。啓塞發蒙，爲君日後從事文字學研究之始因。家貧輟學，衣食四方，迭罹艱困，卒未廢學。性不近數理，乃自修文史。每觀前賢典籍，懿德嘉行，景仰不已。

當遜清末造，洎上殷虛之文，鳴沙石室之書，悉出於世。雪堂觀堂，首披荆榛，導夫先路；鼎堂彥堂，復大啓門宇，遂成顯學。君見而悅之，思欲藉此新發現之祕珍，以稍補前修解經之未密。日後從事殷虛甲骨及敦煌叢殘研究之興趣，實萌芽於是。

會淞滬戰役失利，華北國土日蹙，國事日非；君憂心如焚，爰與滬上文藝界友人組織反帝非

戰大同盟，被捕繫獄。七七事變起，大赦政治犯，乃得獲釋歸里。縣邑淪陷後，君間關赴八閩，就讀於廈門大學中文系。輾轉流徙於福建省崇安、三元等地，艱苦備嘗。

抗戰勝利，君回江蘇任教。時臺灣初回歸祖國，需國文教師孔亟，君膺聘挈眷去臺。未及一載，海峽兩岸同胞，竟渺若天涯之遠隔矣。直至中美建交，乃得再通魚雁。方悉君於臺灣師院任教期間課餘從高鴻縉教授治甲骨文；又常去中央圖書館藏敦煌唐人寫本漢儒經注，學乃大進。嗣膺新加坡南洋大學及馬來西亞大學聘，先後去二國任教。每逢假日，輒遠訪馬來各島，搜尋殘存華僑文物及墓碑，或甄拓，或攝影。

一九七二年君於汶萊發現宋碑，對南洋華僑史作出特殊之貢獻。先後應邀出席坎培拉、巴黎、倫敦國際漢學會議。巴黎大學圖書館、倫敦大英博物館所藏敦煌資料，攝有膠卷甚夥，攜回研究。所著作除煌煌巨著數種單行外，其他論文，胥發表於臺、港及新、馬、汶萊、荷蘭各學報；持論精湛，深得中外學者之推許。君游歷亞、澳、歐、美四洲十餘國，每遇中外賢豪先達、俊彥名流，或奉手請益，或抵掌論道，學愈進而愈覺不足。退休後移居加拿大，續其未竟之業。

由於梓里情深，兩度回大陸探親，與余歡聚於寶應、寧、揚等地，暢叙生平。承告以：「生性頗魯粗闊，大道不敢承，精微無力究，辭藻無所事；無已，乃蒐集遺佚，爬羅排比，事同抄

胥，毫無足矜。惟期能爲來學省其日力，近賢名之曰「文獻學」，前人皆爲「爲人之學」者也。」其謙抑有如是者。

一九八九年十月，君與余別於金陵，回美即病癌，手術後甫四十日，病榻上成〈劫火遺珠〉一文，發表於臺灣中央圖書館館刊中。寄余抽印本，附書云：「與其『坐』而待斃，不若『做』而待斃。」語何其壯且達也。〈易·乾〉云：「天行健，君子以自強不息。」殆君之謂歟！一九九二年一月，病逝於美國舊金山，享年八十歲。君與余共同補輯之〈寶應疑年錄〉，時正在裝訂中，未及親見其成，殊感遺憾之至者也。德配王之雯女士，先於一九四〇年卒於家鄉寶應。繼配之雲女士，爲之雯妹也。相夫教子，以精細稱。

君與余同庚而長余三月，以通家子弟，又於一高、寶中兩度共硯，竹馬情親，同懷不吝也。茲者，之雲夫人及鐵平介弟在臺哀集各地哀悼文字付梓，留爲永久之紀念。純承命作傳，其曷敢辭？追念昔游，不可再得。舉世滔滔素心人幾？今後誰匡余失？誰廣余聞？燈下吮筆，黯然神傷，不覺涕淚與墨瀋之俱下也矣！

寶應郁念純拜書 一九九三年三月

陳鐵凡年表

郁念純敬編

一九二二年 壬子

中華民國元年五月二十二日（夏曆四月初六日）卯時，君生於江蘇省寶應縣狀元橋畔祖居本宅。譜名會古，字萃仙。祖子瞻公，邑庠生。父研直公，諸生。母吳氏，系出安徽嘉山縣，勤惠公棠之從曾孫。長姐儼古，適喬夢魯，侍讀公石林先生之裔孫。二姐侃古，適淮安劉祥伯。

一九一四年 甲寅 三歲

弟鐵平生，譜名援古。

一九一六年 丙辰 五歲

開始認方塊字，祖父親教之。君穎異，祖鍾愛特甚。

一九一七年 丁巳 六歲

奉祖父命，偕弟鐵平入對門張建安先生私塾讀書。

一九二一年 辛酉 十歲

祖子瞻公逝世。君慟哭。

一九二三年 癸亥 十二歲

偕弟鐵平同入寶應縣立第一高等小學讀書。與純同班級，從此成爲莫逆交。每日下午散學回家，三古（加從兄徵古，君戲稱爲三鼓）與純必聯袂行。

一九二五年 乙丑 十四歲

小學畢業。時寶應無中學校，君以家貧，無力赴外地求學，在家自習。

一九二八年 戊辰 十七歲

寶應縣中建立，劉野君師長校。君投考錄取，入校肄業。始與陸海寧（原名輝曾）訂交

一九二九年 己巳 十八歲

江都嚴紹曾師膺聘來寶中任教。師擅長詩詞駢文，大受學生敬佩。君景仰尤甚，約純同向師門受業，學詞章。是年蝗災，教育經費無著，欠教師薪金累數月。師不得已辭職返故里。君學詞章計劃受挫折，大懊惱。（按嚴師聘卿，號貫公，清光緒二十六年舉人。離校時，填詞贈全體同學，調寄摸魚兒。茲附錄於次：「算今年雪泥留印，一番又是羈旅。商量擬買揚州棹，問明征夫前路。回首覷，賸如畫晴川，有我曾遊處。離懷漫訴，悵破碎硯田，淒涼劍鋏，往事不堪

數。汜湖好，三月行滕小住，而今拼得拋去。莫驚此日萍蹤散，倘被東風吹聚。汝莫誤，須酒後燈前，記我叮嚀語。歸歟乍賦，又窗外瀟瀟，征輪留住，爭奈夜來雨。」

一九三〇年 庚午 十九歲

因家貧輟學，聞南京參謀本部測量學校免收學雜費，且供給食宿與零用錢，乃往投考，因眼近視未取。賦閒居寧，學習編織籐工。秋應友人黃君之邀，任第十三兵站野戰醫院文書。適值中原大戰起，君隨軍出征河南，餐風宿露，辛苦備嘗。戰事平息後返寧。父母憐之，囑其辭退，另謀出路。

一九三一年 辛未 二十歲

經友人魏挹引薦，任中央軍人監獄醫務所司書。

一九三二年 壬申 二十一歲

父研直公逝世。君辭職奔喪返里。秋，經友人羅子實介紹，任上海招商局護航總隊文牘科長。冬，調慶安兵艦書記長官。寓滬濱。

一九三三年 癸酉 二十二歲

與上海文藝界友人婁適宜等組織「反帝非戰大同盟」。秋，與婁適宜同被捕解南京衛戍司令

部，判徒刑五年，發往中央軍人監獄執行。同時在滬邑人被捕者有張耀華、張玉潤昆仲。（據陳處常夫人張銘英告純，張氏昆仲旋經其兄張鐵生出面保釋，遂被宣告無罪釋放云云。）

一九三五年 乙亥 二十四歲

時獄中有一難友善日文，君請受教，友許之。乃寄明信片與純，急索日華字典，純向上海內山書店購贈。（按：該監獄規定，祇許犯人以明信片與外界通魚雁，每月兩次。某次在片中談其久不理髮，于思于思，頗以成爲陳大鬚子自豪云云。雖在縲絏之中，談諧仍舊，洵非常人所可及也。）

一九三六年 丙子 二十五歲

以華衣紋筆名，發表〈參觀之一日〉一文於茅盾主編之〈中國之一日〉上。文章末行署「一九三六，五，寫於××監獄。」見該書第二輯第二十九頁。一九三六年九月生活書店出版。各大圖書館皆藏有此書。

一九三七年 丁丑 二十六歲

七七事變發生，大赦政治犯，君獲釋返里。摯友吳華慶與純設宴歡迎。君雖面目憔悴，但健談如昔。對抗戰必勝，充滿信心；愛國情懷，溢於言表。八一三戰事起君在顧舍間，暢談形勢之

大好，欲唱京劇以表達歡慶之心情。知純曾向友人陳三星（滬上坤伶碧艷芳之琴師）學京胡，命以琴托腔，歌法門寺趙廉所唱之「郿塢縣在馬上」一段，腔圓字正。蓋因其前與友組織反帝非戰大同盟之目的已遂，故興高彩烈如此。時純長女原宜方三歲，君愛之，遂請拜君膝下爲義女。旋應聘去涇河張府教讀。是年冬，在蜆墟顧家莊與王之雯女士結婚。

一九三八年 戊寅 二十七歲

在鄉間繼續學習日語及世界語。教鐵平圍棋閒時對弈一局，作爲學習外語過度疲勞後之調濟。旋遷移至東南鄉小尹家莊族三伯母胡氏佛堂，教私塾館維生。

一九三九年 己卯 二十八歲

長女靜生。由友人芮厚伯之引薦，教育局長華采之任命君爲馬路圩小學校長。是年秋，奉母攜眷同往。抗戰期間，淪陷區生活至艱，爲節約計，買稻自舂；與夫人之雯經常杵米至深夜。某日學生中有三姐弟未來校，詢問其他學生，獲知其母病甚，家已斷炊。君乃負自舂之米，親往其家探視，即贈以米。夫婦躬自於校旁隙地種菜，菽水承歡。

一九四〇年 庚辰 二十九歲

奉調到寶應小學教師訓練班受訓。夏，投考蘇皖聯立政治學院，因國文外語特優，遂對數學課

卷成績，未予計較，從寬錄取。當時與夫人之雯喬安，家庭生活，由鐵平負擔經濟費用。是年秋，與郭子恂、袁德誠同赴福建武夷山麓，入校讀書。蓋君知抗戰勝利後，需建國人才孔亟，故不惜間關跋涉之艱苦，以求深造，並非爲自身計也。冬，之雯夫人以產褥熱逝世，君得訊飲泣累數月之久。同學因其心情抑鬱，介紹朋友以慰解之。

一九四一年 辛巳 三十歲

與袁德誠同轉入廈門大學讀書。袁入法律系。君入中文系，得李笠、余騫、虞愚師之教導，使其懂得治學之方法。尤其重要者，是使其認識到中國文化之博大精深，源遠流長，這對其一生而言，影響至巨。直至逝世前兩月，尙匍匐走筆，完成《寶應縣志藝文志書目校補》中經史兩類〈箋記〉，寄純校閱。其子集兩類，尙思竭力完成，然已無及矣。其研究中國文化之奉獻精神，實由愛國熱情之所驅使，洵可謂「雖九死其猶未悔兮」。（按：「書目校補箋記」遺稿，珍藏於純篋衍，俟他日重刊《書目校補》時印入。）

一九四三年 癸未 三十二歲

在福建長汀與王之雲女士結婚。之雲，之雯妹也。

一九四四年 甲申 三十三歲

在廈門大學中文系畢業。受聘任江蘇學院助教。

是年二月，次女恬生。

一九四五年 乙酉 三十四歲

升任江蘇學院講師。秋八月，抗戰勝利，舉國歡騰。

一九四六年 丙戌 三十五歲

隨江蘇學院復員，遷江蘇揚州，校址在何園。君到揚州後，知純在省鹽中任教，隨即發電報至泰州，邀純至揚州何園晤叙。是夜同榻卧，作竟夕談。次晨因鹽中有課，早膳後即別。未久，君復匆匆隨校遷徐州。此番揚州一聚，詎意四十年後，直至一九八五年十月，始得再聚，固非始料之所及也。

是年十二月三女謚生。

一九四七年 丁亥 三十六歲

著〈辛棄疾評傳〉，盧前署檢。上海正風出版社印行。扉頁有「謹獻此冊爲慈親壽」八紅字。

一九四八年 戊子 三十七歲

應臺灣師範學院之聘，任講師。攜眷遷臺。課餘，從高鴻緒教授治甲骨文。是年冬，海軍總部